



**Aningaasaqarnermut Akileraartarnermullu
Naalakkersuisoq**

Ulloq: 24. januar 2024
J.nr.: 01.31.06/24-01068

**Aningaasaqarnermut Akileraartarnermullu Ataatsimiititaliap marlunngornermi ulloq
23. januar 2024-mi aalajangiineranik Naalakkersuisunut ilisimatitsineq.**

**Puiaasanik uterteriaatsip nutaap aallartinneqarnissaanut atatillugu oqaasertaliussat
konto-mut pingaarnermut 73.01.12-mut ilanngussinissaq pillugu ilassutitut aningaasa-
liissuteqarneq. Ataatsimiititaliap suliaa nr. 01.31.06/24-01068. **NUKINGIUSSAQ.****

"Naalakkersuisut **inassutigaaat,**

- 2024-mut ilassutitut aningaasaliissutitut siunnersuummi kontumut pingaarnermut
73.01.12 Puiaasanik uterteriaaseq, oqaasertaliussaq ilanngunneqassasoq.

Aningaasaqarnermut Ataatsimiititaliap oqaaseqaatai apeqqutaalu

Ilassutitut aningaasaliissuteqartoqarnissaanik qinnuteqartoqarnerata kingorna
ataatsimiititaliaq allakkamik tigusaqarpoq, tassani Naalakkersuisunit oqaatigineqarluni
ilassutitut aningaasaliissuteqartoqarnissaanik qinnuteqaammi nassiunneqaqqaartumi
oqaasertaliussat nutaat qaqugu atuutilernissaanut ulluliisoqarsimangitsoq.
Uttertassartaasa siunertaanngitsumik akilersinneqartup utertillugu akilerneqarnissaanik
eqqussisimasut qinnuiginninnissaminnut periarfissaqarnissaat ataatsimiititaliamit
tulluarnerpaatut isigineqarpoq.

Taamaattumik inassuteqaat ataatsimiititaliamit akuersissutigineqarpoq ima
erseqqissaassuteqarluni, oqaasertaliussat 1. januar 2024-miit atuutilersinneqassasut.

Suliamut tassunga atatillugu susassaqartut pineqartut periusissiamik
erseqqissaavigineqarnissaat siunertaralugu pissutsit taakkua pillugit
attaveqaqatigiittoqarnissaa ataatsimiititaliamit Naalakkersuisunut kaammattuutigineqassaaq.

Aningaasaqarnermut Ataatsimiititaliap aalajangenera

Naalakkersuisut inassuteqaataat Aningaasaqarnermut Ataatsimiititaliamit **akuersissutigine-
qarput.**

Inussiarnersumik inuulluaqqusillunga

Asii Chemnitz Narup
Aningaasaqarnermut Akileraartarnermullu Ataatsimiititaliap siulittaasua